

Бог Господь, глас 4:

Светлую Воскресения проповедь/ от Ангела уведевша Господни ученицы/ и прадеднее осуждение отвѣргша,/ апостолом хвалящаяся глаголаху:/ испровержеса смерть,/ воскресе Христос Бог, // даруяй миру велию милость.

Богородичен воскресный, глас 4:

Еже от века утаенное/ и Ангелом несведомое тайнство,/ Тобою, Богородице, сущим на земли явися Бог,/ в неслитном соединении воплощаемь,/ и Крест волю нас ради восприим,/ имже воскресив первозданнаго, // спасе от смерти души наша.

Прокимен, глас четвертый: Воскресни, Господи, помози нам/ и избави нас имене Твоего ради.

Канон воскресный, глас 4:

Песнь 1:

Моря чермную пучину/ невлажными стопами/ древний пешешествовав Израиль,/ крестообразными Моисеевыми руками// Амаликову силу в пустыни победил есть.

Катавасия: Отверзу уста моя,/ и наполнятся Духа,/ и слово отрыгну Царице Матери,/ и явлюся светло торжествуя, // и воспою радуясь Той чудеса.

Песнь 3:

Веселится о Тебе Церковь Твоя, Христе, зовущи:/ Ты моя крепость, Господи, // и прибежище, и утверждение.

Катавасия: Твоя песнословцы, Богородице,/ живой и независтный источник,/ лик себе совокупльшия, духовно утверди:/ в Божественней Твоей славе // венцев славы сподоби.

Песнь 4:

Вознесена Тя видевши Церковь на Кресте,/ Солнце Праведное,/ ста в чине своем,/ достойно взывающи: // слава силе Твоей, Господи.

Катавасия: Седяй в славе,/ на престоле Божества,/ во облаце легце/ прииде Иисус Пребожественный,/ нетленною дланию,/ и спасе зовущия: // слава, Христе, силе Твоей.

Песнь 5:

Ты, Господи мой, Свет в мир пришёл еси, / Свет Святы́й, обраща́й из мрачна неведения // ве́рою воспева́ющия Тя́.

Катавасия: Ужасошася вся́ческая / о Божественной сла́ве Твоей: / Ты бо, Неискусобрачная Де́во, / имела еси во утробе над всеми Бо́га / и родила еси безлетнаго Сы́на, / всём воспева́ющим Тя́ // ми́р подава́ющая.

Песнь 6:

Пожру Ти со гласом хваления, Го́споди, / Церковь вопи́ет Ти, / от бесовския крове очи́щися / ради милости от ре́бр Твои́х // истéкшею Кро́вию.

Катавасия: Божественное сие и всечестно́е / соверша́юще пра́зднство, / богомудрии, Богома́тере, / приидите, рука́ми воспле́щим, // от Нея рождшагося Бо́га славим.

Песнь 7:

В пещи Авраамстии отроцы персидстей, / любовью благочестия па́че, / нежели пламенем, опаляеми, взыва́ху: // благословен еси в храме сла́вы Твоея, Го́споди.

Катавасия: Не послужиша твари богому́дрии / па́че Созда́вшего, / но огненное прещение мужески попра́вше, / радовахуся пою́ще: // препетый отцев Господь и Бо́г благослове́н еси.

Песнь 8:

Руце распротёр Дани́л, / львов зияния в ро́ве затче́, / огненную же силу уга́сиша, / добродетелию препоя́савшеся, / благочестия рачители, отроцы, взыва́юще: // благословите, вся дела Господня, Го́спода.

Катавасия: Отроки благочестивыя в пещи́ / Рождество Богородино спасло есть; / тогда убо образу́емое, / ныне же де́йствуемое, / вселенную всю воздвизает пéти Тебе: / Го́спода по́йте дела // и превозносите Егó во вся веки.

Песнь 9:

Камень нерукосéчный / от несекомыя горы Тебе, Де́во, / краеугольный отсечёся, / Христос, совокупивый разстоя́щаяся естества́. // Тем веселя́щеся Тя, Богоро́дице, велича́ем.

Катавасия: Вся́к земноро́дный / да взыграется, Духом просвеща́емь, / да торжествует же безплотных умóв естество́, / почитающее священное торжество́ Богома́тере, / и да вопи́ет: / ра́дуйся, Всеблаже́нная // Богородице, Чи́стая Приснодево.

На Хвалитех, глас 4:

1. Стих: Сотворити в них суд написан:/ слава сия будет всём преподобным Егó.

Крест претерпéвый и смёрть,/ и воскресый из мёртвых,/ Всесильне Гóсподи,// славим Твое Воскресéние.

2. Стих: Хвалите Бога во святых Его,/ хвалите Его в утвержéнии сýлы Егó.

Крестом Твоим, Христе,/ от древния клятвы свободил еси нас,/ и смёртию Твоею естество наше мучащаго диавола упразднил еси:/ востанием же Твоим радости вся исполнил еси./ Темже вопиём Ти:// воскресый из мертвых, Господи, слава Тебе.

3. Стих: Хвалите Его на силах Его,/ хвалите Его по множеству величества Его.

Твоим Крестом, Христе Спасе,/ настави нас на истину Твою,/ и избави нас от сетей вражиих,/ воскресый из мертвых,/ возстави ны падшыяся грехом,/ простер руку Твою, Человеколюбче Господи,// молитвами святых Твоих.

4. Стих: Хвалите Его во гласе трубнем,/ хвалите Его во псалтири и гуслех.

Отеческих Твоих недр не разлучився,/ Единородный Слове Божий,/ пришел еси на землю за человеколюбие,/ Человек быв непреложен,/ и крест и смерть претерпел еси плотию,/ безстрастный Божеством:/ воскрес же из мертвых,/ бессмертие подал еси роду человеческому,// яко Един Всесилен.

5. Стих: Хвалите Его в тимпане и лице,/ хвалите Его во струнах и органе.

Смерть приял еси плотию,/ нам бессмертие ходатайствуя, Спасе,/ и во гроб вселился еси,/ да нас от ада свободиши, воскресив с Собою:/ пострада убо яко человек,/ но воскрес, яко Бог./ Сего ради вопиём:/ слава Тебе, Жизнодавче Господи,// Едине Человеколюбче.

6. Стих: Хвалите Его в кимвалех доброгласных, хвалите Его в кимвалех восклицания./ Всякое дыхание да хвалит Господа.

Камение распадашеся, Спасе,/ егда на лобнем Крест Твой водрузися,/ устращишася адовы вратницы,/ егда во гробе яко мертв положен был еси:/ ибо смертную упразднилый крепость,/ умершым всем нетление подал еси воскресением Твоим, Спасе,// Жизнодавче Господи, слава Тебе.

7. Стих: Воскресни Господи Боже мой, да вознесется рука Твоя, / не забуди убогих Твоих до конца.

Возжелеша жены видети / Твое воскресение, Христе Боже, / прииде предварши Мария Магдалина, / обрете камень отвален от гроба, / и ангела сидяща, и глаголюща: / что ищите живаго с мертвыми: / воскресе, яко Бог, // да спасет всяческая.

8. Стих: Исповемся Тебе Господи всем сердцем моим, / повем вся чудеса Твоя.

Где есть Иисус, Егоже вменисте стрещи, / рцыте иудеи; / где есть, Егоже положили во гробе, камень запечатлевше; / дадите мертвца, иже живота отвергшиися; / дадите погребеннаго, или веруйте воскресшему. / Аще и вы умолчите Господне востание, / камение возопиет, / паче же отваленный от гроба. / Великая Твоя милость, / велие таинство смотрения Твоего, // Спасе наш, слава Тебе.

Тропарь воскресный по Великом славословии, глас 4:

Воскрес из гроба и узы растерзал еси ада, / разрушил еси осуждение смерти, Господи, / вся от сетей врага избавивый; / явивый же Себе апостолом Твоим, / послал еси я на проповедь, / и теми мир Твой подал еси вселенней, // Едине Многомилостиве.

На литургии:

Блаженны воскресные, глас 3:

Древом Адам рай бысть изселен;/ древом же крестным разбойник в рай вселися./ Ов убо вкуш, заповедь отверже Сотворшаго;/ ов же сраспинаемь, Бога исповеда Таящагося, // помяни мя, вопия, во Царствии Твоем.

Вознесыйся на Крест, смертную разрушивый силу,/ и загладивый, яко Бог, еже на ны рукописание, Господи,/ разбойниче покаяние и нам подаждь, Едине Человеколюбче,/ верою служащим, Христе Боже наш, и вопиющим Ти:// помяни и нас во Царствии Твоем.

Рукописание наше на Кресте копием раздрал еси,/ и вменився в мертвых, тамошняго мучителя связал еси,/ избавивый всех от уз адовых воскресением Твоим,/ имже просветихомся, Человеколюбче Господи, и вопием Ти:// помяни и нас во Царствии Твоем.

Распныйся и воскресый яко Силен из гроба тридневен,/ и перевозданнаго Адама воскресивый, Едине Безсмертне:/ и мене на покаяние обратитися, Господи, сподоби от всего сердца моего,/ и теплою верою присно взывати Ти:/ помяни мя, Спасе, во Царствии Твоем.

Нас ради, Иже безстрастен, страстный бысть человек,/ и волею на Кресте пригвождейся, нас совоскреси,/ темже и славим со Крестом страсть и воскресение,/ имиже возсоздахомся, имиже и спасаемся, взывающе:// помяни и нас во Царствии Твоем.

Воскресшаго из мертвых, и адову державу пленившаго,/ и видима женами мироносицами, радуйтесь, глаголющаго,/ вернии умолим, от истления избавити души наша,/ зовуще всегда разбойника благоразумнаго гласом к Нему:// помяни и нас во Царствии Твоем.

Троичен: Отца, и Сына, и Святаго Духа,/ вси единомудренно вернии славословити достойно помолимся:/ Единство Божества, в Трех сущее Ипостасех, неслиянно пребывающее,/ Просто, Нераздельно и Неприступно, // Имже избавляемся огненнаго мучения.

Богородичен: Матерь Твою, Христе,/ плотию без семене рождшую Тя, и Деву воистинну,/ и по Рождестве пребывшу Нетленну,/ Сию Ти приводим в молитву, Владыко Многомилостиве,/ прегрешений прощение даруй, всегда вопиющим Ти:// помяни и нас во Царствии Твоем.

По входе:**Тропарь воскресный, глас 4:**

**Светлую Воскресения прѡповедь/ от Ангела уведевша Господни ученицы/ и прадеднее осуждение отвѣргша,/ апѡстолом хвалящаяся глаголаху:/ испро-
вѣржеся смѣрть,/ воскресе Христѡс Бѡг,// даруй миру велию мѡлость.**

Кондак воскресный, глас 4:

**Спас и Избавитель мой/ из грѡба, яко Бѡг,/ воскреси от уз земнорѡдныя,/ и
вратá адова сокруши,// и яко Владыка воскресе тридневен.**

Прокимен воскресный, глас 4:

Яко возвеличишася дела Твоя, Господи, вся премудростию сотворил еси.